



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 269. Et Altera Maria. v. 1.

**urn:nbn:de:hbz:466:1-45515**

**O** Quis dabit ut ita veniam ad te Deus meus, sicut hæc Magdaleña, vt omni tempore contendam rapere de morte vitam, qui de vita rapietiam matutè mortem.

## §. 269. Et Altera Maria. v. 1.

Quænam autem fuit hæc altera illa Maria, cuius nomen Matthæus silentio præterit? opinor fuisse Mariam Matrem Christi quæ ex desiderio videndi & salutandi filium cum Maria Magdalena iuit versus sepulchrum summo mane cum iam secunda vespera Sabbati Magni ante dicti transi-set, imò adhuc tenebræ essent in horizonte Ierosolymorum, harum tenebrarum tamen nulla hic sit mentio, quia quæ veniebant fidei luce non carent: Et sic verè primo occurserit eis, & se præsentauerit filius & Matri, & Magdalena simul: Maximè eum dicat Theophilus quod aliæ fuerint mulieres quæ à Matthæo, aliæ quæ à Marco describuntur: cui etiam cū aliorum Patrum sententia, tanquam aptissimæ ad Resurrectionis historiam intelligendam insisto.

**D** Omine agnosco S. matri Ecclesiæ Catholicæ sapientiam à Spiritu S. doctœ, quæ semper tenuit te primo omnium matri tuæ apparuisse, & nihilominus teste S. Marco etiam primo apparuisse S. Mariæ Magdalena. Ecce vtrique verū est docente S. Matthæo modum. O si & ego sim diligens, vt te queram, omni tempore, manè, diluculo, meridie & vesperi adjuvante, & comirante B.M.V. Matte tua ut & tecum sim omni tempore, & conuertere mente, nulli parcens labori vt te inueniam, & honorem. O me felicem si illa comite semel perfete te inuenero, tenuero, honorauero omnibus abiectis creaturis.

## §. 270. Et Ecce terra motus factus est magnus. v. 2.

Dum irent videre sepulchrum duæ hæc mulieres fide plenæ ecce subito fit Resurrectio Domini & oritur magnus terræ motus, & vi terræ motus fuit quando Christus expirauit in signum tristitiae; ita modo cum resumeret Corpus eius sacrum spiritum vitæ, terram contingebat moueri, in signum lætitiae: Nolite terrori piæ Matronæ, progredimini, fidite Deo, ipse author est vitæ, quod dixit, efficiet, dixit enim post tres dies resurgam, tertia iam dies est, ergo resurrectionis dies & lætitiae vniuersi, non tristitiae, quia terra cum exultatione reddit Christum redemptorem suum mundo quem absconderat. Principum ingressus in urbem honoratur explosione tormenti, & fit motus modici aëris; at Christus Princeps orbis honoratur commotione universi.

**O** Iesu mundi redemptor, Princeps Regum terræ, domitor inferni, rex dux de barathro, Triumphantor mortis &c. gratulor & gaudeo, quod

Z

cantus